



Broj: 03-16-8-2585-9b/17
Sarajevo, 13.2.2018.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za nabavke iz Zapisnika o pregledu i ocjeni ponuda, broj: 03-16-8-2585-8b/17, od 7.2.2018. u konkurentskom postupku nabavke usluga održavanja informacionog sistema Parlamentarne skupštine Bosne i Hercegovine, za Lot 2. Održavanje postojećeg sistema za upravljanje predmetima i dokumentima (OWIS sistem: e-pisarnica, e-sjednice, e-zak, intranet portal, aplikacija za mobilne uređaje), Kolegij Sekretarijata Parlamentarne skupštine Bosne i Hercegovine donosi

ODLUKU O IZBORU NAJPOVOLJNIJEG PONUDAČA

I.

(1) Prihvata se preporuka Komisije za nabavke iz Zapisnika o pregledu i ocjeni ponuda, broj: 03-16-8-2585-8b/17, od 7.2.2018. i Ugovor o nabavci usluga održavanja informacionog sistema Parlamentarne skupštine Bosne i Hercegovine, za Lot 2. Održavanje postojećeg sistema za upravljanje predmetima i dokumentima (OWIS sistem: e-pisarnica, e-sjednice, e-zak, intranet portal, aplikacija za mobilne uređaje) za period 12 mjeseci, dodjeljuje se ponuđaču **ORKA d.o.o. Sarajevo**, ul. Maršala Tita 56 D, 71 000 Sarajevo, čija mjesečna cijena za obavljanje predmetnih usluga (paušal) prema Ponudi, broj: 01-001/18, od 11.1.2018., iznosi 1.410,26 KM bez PDV-a odnosno 1.650.00 KM sa uračunatim PDV-om.

(2) Ukupna vrijednost ugovora iz stava (1) ove tačke za period 12 mjeseci iznosi 16.923,07 KM bez PDV-a odnosno 19.800,00 KM sa uračunatim PDV-om.

II.

(1) Izabrani ponuđač dužan je dostaviti dokaze o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 3.9. Tenderske dokumentacije za konkurentski zahtjev za dostavu ponuda za nabavku usluga održavanja informacionog sistema Parlamentarne skupštine Bosne i Hercegovine, broj: 03-16-8-2585-3/17, od 28.12.2017.

(2) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ovaj postupak nabavke će biti poništen.

III.

Prijedlog Ugovora dostavit će se na potpis izabranom ponuđaču po isteku roka od 5 (pet) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena i nakon urednog ispunjenja obaveze iz tačke II. ove Odluke, a po prethodno pribavljenom mišljenju Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga održavanja informacionog sistema Parlamentarne skupštine Bosne i Hercegovine, broj: 03-16-8-2585/17, od 1.11.2017. Ukupna procjenjena vrijednost nabavke iznosila je 48.000,00 KM sa PDV-om za period 12 mjeseci. Predmet nabavke je podjeljen na tri lota. Procjenjena vrijednost nabavke za Lot 2. *Održavanje postojećeg sistema za upravljanje predmetima i dokumentima (OWIS sistem: e-pisarnica, e-sjednice, e-zak, intranet portal, aplikacija za mobilne uređaje)* iznosila je 19.800,00 KM s PDV-om. Komisija za nabavke imenovana je Odlukom Kolegija Sekretarijata, broj: 03-16-8-1039/17, od 18.4.2017. Javna nabavka provedena je putem konkurentskog zahtjeva za dostavu ponuda. Tenderska dokumentacija, broj: 03-16-8-2585-3/17, od 28.12.2017. objavljena je u sistemu „E-nabavke“, kao i Obavještenje o nabavci broj: 166-7-2-61-3-33/17, od 28.12.2017., dok je poziv za preuzimanje Tenderske dokumentacije sa Portala javnih nabavki dostavljen sljedećim firmama:

- Logosoft d.o.o. Sarajevo
- King ICT d.o.o. Sarajevo i
- Orka d.o.o. Sarajevo.

Dana 5.1.2018. dato je pojašnjenje na Tendersku dokumentaciju po zahtjevu King ICT d.o.o. Sarajevo od 5.1.2018. Tendersku dokumentaciju za nabavku usluga održavanja informacionog sistema Parlamentarne skupštine BiH sa Portala javnih nabavki preuzelo je ukupno 14 ponuđača. Do termina zakazanog za predaju ponuda za Lot 2. odnosno do 11.1.2018. do 14,00 sati pristigla je jedna ponuda i to:

Redni broj zaprimanja ponuda	Naziv i sjedište ponuđača
1.	ORKA d.o.o. Sarajevo, ul. Maršala Tita 56 D, 71 000 Sarajevo

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: 03-16-8-2585-4/17, od 11.1.2018., Zapisnik o otvaranju ponuda od 11.1.2018. i Zapisnik o pregledu i ocjeni ponuda, broj: 03-16-8-2585-8b/17, od 7.2.2018., sa preporukom o izboru najpovoljnijeg ponuđača. Zapisnikom je konstatovano da je u toku evaluacije Komisija utvrdila da je ponuda ponuđača ORKA d.o.o. Sarajevo prihvatljiva za ugovorni organ, jer ispunjava sve formalno pravne, lične i tehničke/profesionalne uslove, odnosno zahtjeve Ugovornog organa. Također je konstatovano da Komisija nije provodila fazu vrednovanja i rangiranja prihvatljivih ponuda po kriteriju „Najniža cijena“ kao i da nije primjenila preferencijalni tretman domaćeg, obzirom da je samo jedna ponuda bila prihvatljiva, pa je Komisija konstatovala sljedeće:

Ponuđač	Predmet nabavke	Mjesečna cijena usluga (paušal) s popustom i PDV-om	Ukupna cijena za predmetne usluge za 12 mjeseci s popustom (ukoliko je ponuđen) i PDV-om
ORKA d.o.o. Sarajevo, ul. Maršala Tita 56 D, 71 000 Sarajevo	Lot 2. Održavanje postojećeg sistema za upravljanje predmetima i dokumentima (OWIS sistem: e-pisarnica, e-sjednice, e-zak, intranet	1.650.00 KM	19.800,00 KM

	portal, aplikacija za mobilne uređaje) za period 12 mjeseci		
--	---	--	--

Shodno navedenom, Komisija za nabavke preporučila je Kolegiju Sekretarijata (Zapisnik, broj: broj: 03-16-8-2585-8b/17, od 7.2.2018. u prilogu), da u postupku nabavke usluga održavanja informacionog sistema Parlamentarne skupštine Bosne i Hercegovine, za Lot 2. Održavanje postojećeg sistema za upravljanje predmetima i dokumentima (OWIS sistem: e-pisarnica, e-sjednice, e-zak, intranet portal, aplikacija za mobilne uređaje) za period 12 mjeseci, donese Odluku o izboru najpovoljnijeg ponuđača za firmu ORKA d.o.o. Sarajevo, ul. Maršala Tita 56 D, 71 000 Sarajevo, čija mjesečna cijena za obavljanje predmetnih usluga (paušal) prema Ponudi, broj: 01-001/18, od 11.1.2018., iznosi 1.410,26 KM bez PDV-a odnosno 1.650.00 KM sa uračunatim PDV-om, dok ukupna vrijednost predmetnih usluga za period 12 mjeseci iznosi 16.923,07 KM bez PDV-a odnosno 19.800,00 KM sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da putem ugovora ponuđača ORKA d.o.o. Sarajevo izabere za realizaciju Javne nabavke usluga održavanja informacionog sistema Parlamentarne skupštine Bosne i Hercegovine, za Lot 2. Održavanje postojećeg sistema za upravljanje predmetima i dokumentima (OWIS sistem: e-pisarnica, e-sjednice, e-zak, intranet portal, aplikacija za mobilne uređaje), te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- ORKA d.o.o. Sarajevo, ul. Maršala Tita 56 D, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____